



Finansira
Evropska unija



OPIS USLUGE

1. OSNOVNE INFORMACIJE

1.1. Projekat

Projekat „Glas organizacija civilnog društva u borbi protiv trgovine ljudima“ realizuje se uz podršku Evropske unije.

1.2. Geografsko područje projekta

Područje cijele Bosne i Hercegovine.

1.3. Naručilac usluga

Međunarodni forum solidarnosti – EMMAUS (MFS-EMMAUS).

1.4. Općenito o projektu

Fokus projekta je na sprečavanju trgovine ljudima i rodno utemeljenog nasilja u BiH i širem regionu jačanjem kapaciteta vlade BiH i relevantnih profesionalaca, kao i organizacija civilnog društva, te povećanje njihove ekspertize o pristupu borbi protiv trgovine ljudima u BiH usmjerenom na žrtvu. Jačanjem kapaciteta organizacija civilnog društva (OCD) u Bosni i Hercegovini (BiH) za razvoj politika, institucionalno praćenje i zaštitu ljudskih prava i prava žena u EU, posebno žrtava trgovine ljudima i rodno utemeljenog nasilja daje se podrška i osnažuju se OCD širom BiH da aktivno učestvuju u suzbijanju trgovine ljudima, uključujući jačanje njihovih unutrašnjih kapaciteta i organizacionih struktura kako bi se osigurala održivost u složenom BiH okruženju. Projekat pomaže ponovnoj uspostavi uloge organizacija civilnog društva (OCD) kao vitalnih za razvoj, vladavinu zakona, integraciju i pravdu. Obnovit će temeljne vrijednosti civilnog društva i njihove statutarne aktivnosti te raditi na promovisanju i podržavanju tolerancije, solidarnosti i uzajamnog poštovanja u društvu, osiguravajući demokratsku konsolidaciju, socijalnu pravdu, poštivanje ljudskih prava, jačanje partnerstva između lokalnih vlasti i OCD-a, pružanje pomoći u rješavanju potreba građana, prije svega potreba žrtava trgovine ljudima, osiguravajući zaštitu ljudskih prava i vrijednosti EU.

1.5. Ciljne grupe projekta

Primarna ciljna grupa/korisnici su organizacije civilnog društva u Bosni i Hercegovini koje pripadaju dvjema kategorijama:

- a) Organizacije civilnog društva uključene u aktivnosti na suzbijanju i borbi protiv trgovine ljudima, naročito one organizacije koje žrtvama pružaju sklonište i direktnu asistenciju; i
- b) Organizacije civilnog društva koje djeluju u srodnim oblastima kao što su rodno utemeljeno nasilje, ljudska prava, obrazovanje, mladi, građanska uključenost, jačanje i otpornost zajednica.

Sekundarna ciljna grupa projekta su predstavnici relevantnih vladinih institucija i organa na svim nivoima vlasti u BiH koje se bave problematikom trgovine ljudima i aktivnostima suzbijanja rodno

utemeljenog nasilja koja će imati koristi od povećanog učešća civilnog društva u aktivnostima na suzbijanju trgovine ljudima, a među kojima:

- a) Državni koordinator za borbu protiv trgovine ljudima, Odsjek za borbu protiv trgovine ljudima pri Ministarstvu sigurnosti Bosne i Hercegovine;
- b) Udarna grupa za borbu protiv trgovine ljudima u BiH;
- c) Novouspostavljeni multidisciplinarni koordinacioni timovi za borbu protiv trgovine ljudima.

1.6. Cilj i svrha projekta

1.6.1. Opći cilj projekta

Cilj projekta je sprečavanje trgovine ljudima u BiH i širem regionu, te unapređenje kapaciteta relevantnih profesionalaca na identifikaciji žrtava trgovine ljudima, kao i pružanja kvalitetne pomoći. Projektom će se poboljšati multisektorska saradnja u rješavanju slučajeva trgovine ljudima, a posebno će koristiti novouspostavljenoj koordinacionoj strukturi gdje veći broj predstavnika institucija imaju ograničeno znanje i iskustvo da bi se nosili sa različitim aspektima trgovine ljudima. Poboljšanjem prikupljanja statističkih podataka vezanih za trgovinu ljudima, informacijama o realiziranim aktivnostima, trendovima trgovine ljudima i povezanom problematikom poboljšat će se mehanizam izvještavanja prema Državnom koordinatoru.

1.6.2. Svrha projekta

Svrha projekta je višestruka, usmjerena na izgradnju i unapređenje kapaciteta organizacija civilnog društva u vezi s ključnim pitanjima trgovine ljudima i rodno utemeljenog nasilja. Također, projekat ima cilj jačanje kapaciteta relevantnih državnih aktera u rješavanju problema trgovine ljudima i rodno utemeljenog nasilja, usklađujući se s međunarodnim standardima, propisima Evropske unije i nacionalnim zakonodavstvom. Kroz povećano uključivanje OCD-a u procese identifikacije žrtava, upućivanja, zaštite, reintegracije te razvoja politika i izvještavanja, projekat nastoji osnažiti međusobnu suradnju između stručnjaka u relevantnim institucionalnim tijelima, koordinacijskim timovima i OCD-ima.

Kroz dodjelu pod-grantova, projekat podržava najmanje tri OCD-a u jačanju finansijske stabilnosti, operativne strukture i održivosti njihovog djelovanja. Također, daje doprinos razvoju politike suzbijanja trgovine ljudima izradom Izvještaja o praćenju politike, čiji je cilj prvenstveno rješavanje nedostataka nacionalnog referalnog mehanizma. Konačno, projekat podržava i pružanje direktne asistencije žrtvama trgovine ljudima.

U kontekstu postizanja dugoročnih ciljeva i osiguranja utjecaja projektnih rezultata, projekat je usmjeren i na podizanje javne svijesti kroz realizaciju kampanje na području cijele Bosne i Hercegovine, istovremeno predstavljajući, ali i jačajući preventivne mjere putem platforme www.eurcenter.ba.

2. DJELOKRUG RADA U SKLOPU UGOVORA

2.1. Opis posla i angažmana

MFS-EMMAUS angažuje stručno lice za pružanje usluge prikupljanja materijala i pripreme sadržaja za online platformu www.eurcenter.ba i pripadajuće module.

U okviru projektnog zadatka prikupljanja materijala i pripreme sadržaja platforme očekuje se isporuka rezultata, a kako je predstavljeno u Tabeli 1 u nastavku.

| Br. | OČEKIVANI REZULTATI | SPECIFIČNI ZADACI | ROK ISPORUKE |
|-----|---|--|--------------------------|
| 1. | Prikupljanje materijala i priprema sadržaja za www.eurcenter.ba | <ul style="list-style-type: none"> Ažuriranje postojećeg sadržaja web stranice www.eurcenter.ba po modulima <i>Trgovina ljudima</i>; <i>Statistike</i>; <i>Zakoni</i>; <i>eBiblioteka</i>, te drugih modula po potrebi. Prikupljanje materijala (zvaničnih dokumenata institucija, relevantnih priručnika, smjernica, izvještaja, statistika i sl.) Priprema sadržaja za web stranicu po modulima (priprema članaka, studija slučaja i sl.) | Vrijeme trajanja ugovora |

Iznad navedeni zadaci predstavljaju ključne elemente angažmana stručnog lica. Po realizaciji navedenih zadataka Izvršilac se obavezuje dostaviti Izvještaj o sprovedenim zadacima koji će uključiti opis realizacije zadataka po očekivanim rezultatima angažmana, a što predstavlja osnov za isplatu sredstava Izvršiocu.

2.2. Svrha ugovora

Svrha ovog ugovora je angažman stručnog lica (fizičko lice), a u svrhu realizacije aktivnosti navedenih i opisanih pod stavkom 2.1.

2.3. Očekivani rezultati

Angažovanjem stručnog lica za prikupljanje materijala i pripremu sadržaja za www.eurcenter.ba, očekuje se unapređenje kvaliteta i relevantnosti online platforme. U prvom redu, po postojećim modulima, očekuje se potpuna i ažurirana baza dokumenata zakonskog okvira BiH, relevantnih zvaničnih dokumenata EU, izvještaja i relevantnih statistika koja će pružiti korisnicima pouzdane i aktuelne informacije vezane za oblast suzbijanja trgovine ljudima.

Nadalje, od Izvršioca se očekuje priprema strateški orijentisanih članaka za web stranicu, istražujući teme od interesa i pružajući analize relevantnih događaja u vezi sa aktuelnim pitanjima suzbijanja trgovine ljudima. Cilj ovog pristupa je stvoriti informativnu i edukativnu kontakt tačku koja će okupiti ciljnu publiku te aktualizirati web stranicu www.eurcenter.ba što će je označiti kao respektabilan izvor informacija o ovoj oblasti. U konačnici, očekuje se da se uspjeh navedenih zadataka manifestira kroz povećan broj posjeta web stranici, broj preuzimanja dokumenata i materijala, te na kraju i aktivniji angažman korisnika.

Online platforma www.eurcenter.ba se administrira u skladu sa najboljim praksama upravljanja multimedijalnim platformama.

3. LOGISTIKA I ROKOVI ANGAŽMANA

3.1. Odgovorno tijelo

Međunarodni forum solidarnosti – EMMAUS (MFS-EMMAUS)
Ured u Sarajevu
Paromlinska 10, 71000 Sarajevo, Bosna i Hercegovina

3.2. Datum početka i trajanja angažmana

Angažman stručnog lica traje dva (2) mjeseca od dana potpisivanja ugovora sa mogućnošću obnove angažmana.

4. ZAHTJEVI ZA REALIZACIJU USLUGA/POSLOVA DEFINIRANIH OVIM UGOVOROM

4.1. Kvalifikacije i vještine

Za efikasnu realizaciju predviđenih zadataka, neophodno je da Izvršilac posjeduje sljedeće:

- Visoka stručna sprema (smjer društveno-humanističkih ili srodnih nauka);
- Iskustvo na poslovima istraživanja i sličnim poslovima;
- Izražene analitičke sposobnosti;
- Izražena izuzetna jezička kompetencija i poznavanje bosanskog i engleskog jezika,
- Izražene komunikacijske vještine (visok stepen pisanog izražavanja)
- Iskustvo u pripremi sadržaja poput članaka, dokumenata i sl.

4.2. Zahtjevi za prijavu

Dokumentacija koju je potrebno dostaviti u prijavi uključuje:

1. CV sa najmanje tri reference o prethodnom angažmanu na sličnim poslovima;
2. Formular za prijavu / Finansijsku ponudu za pružanje usluge.

5. REZULTAT

5.1. Obaveze po rezultatima

Izvršilac se obavezuje da će izvršiti ugovorene obaveze u skladu sa zakonom o zaštiti ličnih podataka, definisanim procedurama praćenja prijave te instrukcijama MFS-EMMAUS-a.

6. POSEBNI ZAHTJEVI

Rad na projektu „Glas organizacija civilnog društva u borbi protiv trgovine ljudima“ je specifičan s obzirom na osjetljivost i povjerljivost informacija koje se obrađuju. Uz potpisani Ugovor, izvršilac je obavezan potpisati da će poštivati procedure MFS-EMMAUS-a koje su utemeljene u Etičkom kodeksu i Politikama zaštite djeteta, te se obavezuje potpisati Izjavu o povjerljivosti podataka.